

書名 陽明先生文錄五卷外集九卷別錄十卷 嘉靖十五年序刊本
撰者 明 王守仁 撰
卷 卷二
內容分類 集-別集-明中葉
索書號 大木-集部-別集類-58
編號 D7431400

卷二

彩色首頁1

東洋文化研究所漢籍目錄 編號: D7431400
東洋文化研究所漢籍目錄所藏漢籍善本文影像資料庫 索書號: 大木-集部-別集類-58
漢籍善本文影像資料庫 陽明先生文錄五卷外集九卷別錄十卷 嘉靖十五年序刊本

版權所有: 東京大學 東洋文化研究所
使用上の注意事項

陽明先生文錄卷之一

始正德已
巳至與辰

與辰中諸生

巳巳

以爲喜又遽爾別去極怏怏也絕學之餘求道者少
兩年無可與語者歸途乃得諸友何幸何幸方
庶幾楚最易搖奪自非豪傑鮮有卓然不變者諸
砥礪夾持務期有成近世士夫亦有稍知求
德未成而先揭標榜以來世俗之謗是
無立反爲斯道之梗也友宜以是爲鑒
務於切已處着實用功當在寺中所云靜



翌午風益厲狼狽收斂天心數里間三日但遙指
甚雨迅雷電作勢殊未已溟溟雲霧中四望渺漭決
篙漿不得施丁夫盡嗟謫林漓念同胞吾寧忍暴使
饑粥且傾橐苦苦吾與爾衆意在必濟糧絕亦均死
憑陵向高浪吾亦詎容止虎怒安可撓志同稍足倚
且令並岸行試涉湖濱止收舵幸無事風雨亦浸弛
逡巡緣汜涓迤邐就風勢新漲翼回湍倏忽逝如矢
夜入武陽江漁村穩堪艤糴市謀晚炊且爲衆人喜
江醪信漓濁聊復盪胸滓濟險在需時微倖豈常理
爾輩勿輕生偶然非可恃 陽明先生文錄卷之一

陽明先生文錄卷之二

外集

居夷詩一百十二首

去婦嘆五首

楚人有聞於新娶而去其婦者其婦無所歸
去之山間獨居懷綬不忘終無他適予聞其
事而悲之爲作去婦嘆

委身奉箕帚中道成棄捐蒼蠅間白璧君心亦何愆
獨嗟貧家女素質難爲妍命薄良自喟敢忘君子賢
春華不再艷頽魄無重圓新歡莫終恃今儀實周還

其二

依違出門去欲行復遲遲鄰姬盡出別強語含辛悲
陋質容有繆放逐理則宜姑老籍相慰缺乏多所資
妾行長已矣會面當無時

其三

妾命如草芥君身比琅玕奈何以妾故廢食懷憤寃
無爲傷姑意燕爾且爲歡中厨存宿旨爲姑備朝飧
畜言意一緒倉卒徒悲酸伊邇望門屏盍從新人言
夫意已如此妾還當誰顏

其四

去矣勿復道已去還躊躇鷄鳴尚聞響犬戀猶相隨

感此摧肝肺淚下不可揮岡回行漸遠日落群鳥飛
群鳥各有托孤妾去何之

其五

空谷多凄風樹木何葦森浣衣澗水合採苓山雪深
離居寄巖穴憂思托嗚琴朝彈別鶴操暮彈孤鴻吟
彈苦思彌切嶮岼隔雲岑君聰甚明哲何因聞此音

羅舊驛

客行日日萬峰頭山水南來亦勝遊布谷鳥啼村雨
暗刺桐花暝石溪幽蠻煙喜過青楊瘴鄉思愁經芳
杜洲身在夜郎家萬里五雲天北是神州

沅水驛

辰陽南望接沅州碧樹林中古驛樓遠客日憐風土
異空山惟見瘴雲浮耶溪有信從誰問楚水無情只
自流却幸此身如野鶴人間隨地可淹留

鐘鼓洞

見說水南多異迹巖頭時有鼓鐘聲空遺石壁千年
在未信金沙九轉成遠地星辰瞻北極春山明月坐
更深年來夷險還忘却始信羊腸路亦平

平溪館次王文濟韻

山城寥落閉黃昏燈火人家隔水村清世獨便吾輩

易窮途還賴此心存蠻煙瘴霧承相往翠壁丹崖好
共論畎畝投閑終有日小臣何以答君恩

清平衛即事

積雨山途喜乍晴煖雲浮動水花明故園日與青春
遠敝緼涼思白苧輕烟際卉衣窺絕棧時土苗峯頭
戍角隱孤城華夷節制嚴冠履漫說殊方列省卿

興隆衛書壁

山城高下見樓臺野戍參差暮角催貴竹路從峰頂
入夜郎人白日邊來鶯花夾道驚春老雉蝶連雲向
晚開沃素臺題還屢擲衛南那有鴈飛回

七盤

鳥道縈紆下七盤古藤蒼木峽聲寒境多奇絕非吾
土時可淹留是謫官猶記邊峰傳羽檄近聞苗俗化
衣冠投箸實有居夷志垂白難承菽水權

初至龍場無所止結草菴居之

草菴不及肩旅倦體方適開棘自成籬土階漫無級
迎風亦蕭疎漏雨易補緝靈瀨嚮朝湍深林疑暮色
群猿環聚訊語龐意頗質鹿豕且同遊茲類猶人屬
樽映瓦豆盡醉不知夕緬懷黃唐化畧稱茅茨迹

始得東洞遂改爲陽明小洞天三首

古洞闕荒僻虛設疑相待披萊歷風磴移居快幽壑
管炊就巖竇放榻依石壘宵室旋薰塞夷坎仍灑掃
卷泐湯堆列樽壺動光彩夷居信何陋恬淡意方在
豈不桑梓懷素位聊無悔

童僕自相語洞居頗不惡人力免結搆天巧謝雕鑿
清泉傍廚落翠霧還成幕我輩日嬉偃主人自愉樂
雖無棨戟榮且遠塵囂聒但恐霜雪凝雲深衣絮薄
我聞莞爾笑周慮愧爾言上古處巢窟杯飲皆汗樽
迥極陽內伏石穴多冬暄豹隱文始澤龍蟄身乃存
豈無數尺棖輕裘吾不溫邈矣簞瓢子此心期與論

謫居糧絕請學于農將田南山末言寄懷

謫居屢在陳從者有愠見山荒聊可田錢罇還易辦
夷俗多火耕做習亦頗便及茲春未深數畝猶足佃
豈徒實口腹凡以理荒寡遺穗及鳥雀貧寡發餘美
出未在明晨山寒易霜霰

觀稼

下田旣宜稌高田亦宜稷種蔬須土疏種蕘須土濕
寒多不實秀暑多有螟螣去草不厭頻耘禾不厭密
物理旣可玩化機還默識即是參贊功毋爲輕稼穡

採蕨

採蕨西下山板援陟崔嵬遊子望鄉國淚下心如摧
浮雲塞長空頽陽不可回南歸斷舟楫北望多風埃
已矣供子職勿更貽親哀

倚倚

倚倚澗邊竹青青巖畔松直幹歷水雪密葉留清風
自期未相托雲壑無逢踪如何兩分植憔悴嘆西東
人事多翻覆有如道止迷惟應歲寒意隨處還當同

南濱

南濱有瑞鳥東海有靈禽飛遊集上苑結侶珎樹林
願言飾羽儀共舞簫韶音風雲忽中變一失難相尋

瑞鳥旣遭塵靈禽投荒岑天衢雨雪積江漢處羅侯
哀哀鳴索侶病翼飛未任群鳥亦千百誰當會其心
南嶽有竹實丹竈青松陰何時共棲息未托雲泉深
溪水
溪石何落落溪水何泠泠坐石弄溪水欣然濯我纓
溪水清見底照我白髮生年華若流水一去無回停
悠悠百年內吾道終何成

龍岡新構

諸夷以予穴居頗陰濕請構小廬欣然趨事
不月而成諸生聞之亦皆來集請名龍岡書

院其軒曰何陋

謫居聊假息荒穢亦湏治鑿巖雜林條小構自成趣
開牕入遠峰架扉出深樹墟寨俯逶迤竹木互蒙翳
畦蔬稍漑鋤花藥頗穰蕪宴適豈專予來者得同憇
輪奐匪致美毋令易傾敝

營茅乘田隙洽旬始苟完初心待風雨落成還美觀
鋤荒旣開徑拓樊亦理園低簷避松偃踈土行竹根
勿剪墻下棘束列因可藩莫韻林間蘿蒙籠覆雲軒
素缺農圃學因茲得深論毋爲輕鄙事吾道固斯存
諸生來

簡滯動懼咎廢幽得幸免夷居雖異俗野朴意所眷
 思親獨疚心疾憂庸自遣門生頗群集樽羊亦時展
 講習性所樂記問復懷覩林行或沿澗洞遊還陟巖
 月榭坐鳴琴雲牕卧披卷澹泊生道真曠達匪荒宴
 豈必鹿門栖自得乃高踐

西園

方園不盈畝蔬卉頗成列分溪免瓊灌補籬防豕躡
 蕪草稍焚薙清雨夜來歇濯濯新葉敷熒熒夜花發
 放鋤息重陰舊書漫披閱倦枕竹下石醒望松間月
 起來步閑誼晚酌簷下設盡醉即草鋪忘與隣翁別

水濱洞

送遠憩岨谷濯纓俯清流沿溪涉危石曲洞藏深幽
 花靜馥常闕溜暗光亦浮平生泉石好所遇成淹留
 好鳥忽雙下儵魚亦群遊坐久塵慮息澹然與道謀

山石

山石猶有理山木猶有枝人生非木石別久寧無思
 愁來步前庭仰視行雲馳行雲隨長風飄飄去何之
 行雲有時定遊子無還期高梁始歸燕題鵝已先悲
 有生豈不苦逝者長若斯已矣復何事商山行采芝

無寐二首

烟燈暖無寐憂思坐長往寒風振喬林葉落聞應響
起窺庭月光山空遊罔象懷人阻積雪崖水幾千丈
其二
窮厓多雜樹上與青真連穿雲下飛瀑誰能識其源
但聞清猿嘯時見皓鶴翻中有避世士宜寂栖其巔
繫予亦同調路絕難攀緣

諸生夜坐

謫居澹虛寂眇然懷同遊日入山氣夕孤亭俯平疇
草際見數騎取徑如相求漸近識顏面隔樹停鳴騶
投繯鴈鴛進携榼各有羞分席夜堂坐絳蠹清樽浮
鳴琴復散帙壺矢交觥籌夜弄溪上月曉陟林間
村翁或招飲洞客偕探幽講習有真樂談笑無俗流
緬懷風沂興千載相爲謀

艾草次胡少參韻

艾草莫艾蘭蘭有芬芳姿况生幽谷底不礙君稻畦
艾之亦何益徒令香氣衰荆棘生滿道出刺傷人肌
持刀忌觸手睨視不敢揮艾草須艾棘勿爲棘所欺

鳳雛次韻答胡少參

鳳雛生高厓風雨摧其翼養疴深林中百鳥驚辟易
虞人視爲妖舉網爭彈弋此本王者瑞惜哉誰能識

吾方哀其窮胡忍復相啄
鴟梟據叢林驅鳥恣搏食
嗟爾獨何心梟鳳如白黑

鸚鵡和胡韻

鸚鵡生隴西群飛恣鳴遊
何意虞羅及充貢來中州
金縷縻華屋雲泉謝林丘
能言實此而吞聲亦何求
主人有隱寇竊發聞其謀
感君惠養德一語思所酬
懼君不見察殺身反爲尤

諸生

人生多離別佳會難再遇
如何百里來三宿便辭去
有琴不肯彈有酒不肯御
遠陟見深情寧予有弗顧

雲還自栖溪月誰同步
不念南寺時寒江雪

不記西園日桃花夾川路
相去倏幾月秋風落高樹
富貴猶塵沙浮名亦飛絮
嗟我二三子吾道有真趣
胡不携書來茆堂好同住

遊來僊洞早發道中

霜風清不葉秋意生
蕭疎衝星策曉騎幽事將有徂
股蠱亂飛擲道狹草露濡
傾暑特晨發征夫已先途
浙米石間溜炊火巖中廬
烟峰上初日林鳥相嚶呼
意欣物情適戰勝瘴色腴
行樂信宇宙富貴非吾圖

別友

幽尋意方結奈此世累牽凌晨驅馬別持盃且爲傳
相求苦非遠山路多風煙所貴明哲士秉道非苟全
去矣崇今德吾亦行歸田

贈黃太守詩

歲宴鄉思切客久親舊疎卧疴閉空院忽來故人車
入門辯眉宇喜定還驚守遠行亦安適竹竹膺新除
荒郡號難理况茲征索餘君才素通敏窘劇宜有紓
蠻鄉雖瘴毒逐客猶安居經濟非復事時還理殘書
山泉足遊憩鹿麋能友予澹然穹壤內容膝皆吾廬
惟縈垂白念旦夕懷歸圖君行勉三事吾計終五湖

寄友用韻

懷入坐沉夜惟燈暖幽光耿耿積煩緒忽忽如有忘
玄景逝不處朱炎化微涼相彼谷中葛重陰殞衰黃
感此遊客子經年未還鄉伊人不在目絲竹徒滿堂
天深鴈書杳夢短關塞長情好矢無斃願言覲終償
惠我金石編徵音激言尚馳輝不可即式爾增予傷
馨香襲肝膂聊用中心藏

秋夜

樹暝栖翼喧螢飛夜堂靜遙穹出晴月低簷入峰影
窅然坐幽獨林爾抱深警年徂道無聞心違迹未屏

蕭瑟中林吹雲景松桂冷山泉豈無適離人樓故境
安得駕雲鴻高飛越南景

採薪二首

朝採山上荆暮採谷中栗深谷多凄風霜露露衣濕
採薪勿辭辛昨來斷薪拾晚歸陰壑底抱甕還自汲
薪水良獨勞不愧食吾力

倚擔青厓際歷斧厓下石持斧起環顧長松百餘尺
徘徊不忍揮俯略澗邊棘同行笑吾餒爾斧安用歷
快意豈不能物材各有適可以相天子衆穉詎足識
龍岡漫興五首

投荒萬里入炎州却喜官卑得自由心在夷居何有
陋身雖吏隱未忘憂春山卉服時相問雪寨藍輿每
獨遊擬把犁鋤從許子謾將絃誦比言游

旅况蕭條寄草堂虛簷落日自生涼芳春已共烟花
盡孟夏俄驚草木長絕壁千尋凌杳靄深厓六月宿
冰霜人問不有宣尼叟誰信申棖未是剛

路僻官卑病益閑空林惟聽鳥間關地無醫藥憑書
卷身處憂美亦故山用世謾懷伊尹耻思家獨切老
萊斑夢魂燕喜無餘事只在耶溪舜水灣

卧龍一去忘消息千古龍岡漫有名草屋何人方管

樂桑間無耳聽咸英江沙漠漠遺靈鳥草木蕭蕭動
甲兵好共鹿門龐處士相期採藥入青冥
歸與吾道在滄浪顏氏何曾擊柝忙枉尺已非賢者
事斷論徒有古人方白雲晚憶歸岩洞蒼蘚春應遍
石床寄語峰頭雙白鶴野夫終不久龍場

答毛拙菴見招書院

野夫病卧成踈懶書卷長拋舊壘荒豈有威儀堪法
象實慚文檄過稱揚移居正擬投醫肆虛席仍煩避
講堂範我定應無所獲空令多士笑王良

老檜

老檜斜生古驛傍客來繫馬解衣裳托根非所還憐
汝直榦不撓終異常風雪凜然存節槩刮摩聊爾見
文章何當移植山林下偃蹇從渠拂漢蒼

却巫

卧病空山無藥石相傳土俗事神巫吾行久矣將焉
禱衆議紛然及見迂積習片言容未解輿情三月或
應乎也知伯有能爲厲自笑孫僑非丈夫

過天生橋

水光如練落長松雲際天橋隱白虹遼鶴不來華表
爛僊人一去石橋空徒聞鵲駕橫秋夕謾說秦鞭到

海東移放長江還濟險可憐虛却萬山中

南霽雲祠

死矣中丞莫謾疑孤城援絕久知危
賀蘭未滅空遺恨南八如生定有爲
風雨長廊嘶鐵馬松杉陰霧捲靈旗
英魂千載知何處歲歲邊人賽旅祠

春晴

林下春晴風漸和高巖殘雪已無多
遊絲冉冉花枝靜青壁迢迢白鳥過
忽向山中懷舊侶幾從洞口夢煙蘿
客衣塵土終須換好與湖邊長艾荷

陸廣曉發

初日曛曛似曉霞雨痕新霽渡頭沙
溪深幾曲雲藏峽樹老千年雪作花
白鳥去邊迴驛路青崖缺處見人家
遍行奇勝才經此江上無勞羨九華

雪夜

天涯久客歲侵尋茆屋新開楓樹林
漸慣省言因病齒屢經多難解安心
猶憐未繫蒼生望且得閒爲白石吟
乘興最堪風雪夜小舟何日返山陰

元夕二首

故園今夕是元宵獨向蠻村坐寂寥
賴有遺經堪作伴喜無車馬過相邀
春還草閣梅先動月滿虛庭雪

未消堂上花燈諸弟集重闈應念一身遥
去年今日卧燕臺銅鼓中宵隱地雷月傍苑樓燈彩
淡風傳聞道馬蹄迴炎荒萬里頻回首羌笛三更謾
自哀尚憶先朝多樂事 孝皇曾為兩宮開

家僮作紙燈

寥落荒村燈事賒蠻奴試巧剪春紗花枝綽約含輕
霧月色玲瓏映綺霞取辦不徒酬令節賞心兼是惜
年華何如京國王侯第一盞中人產十家

白雲堂

白雲僧舍市橋東別院迴廊小徑通歲古簷松存獨

榦春還庭竹發新叢晴牕暗映群峰雪清梵長飄高
閣風遷客從來甘寂寞青鞋時過月明中

來僊洞

古洞春寒客到稀綠苔荒徑草霏霏書懸絕壁留僧
偈花發層蘿繡佛衣壺榼遠從童冠集杖藜隨處宜
情微石門遥鎖陽明鶴應笑山人久不歸

木閣道中雪

瘦馬支離綠絕壁連峰窅窕入層雲山村樹暝驚鴉
陣澗道雪深逢鹿群凍合衡茅炊火斷望迷孤戍暮
笳聞正思講席諸賢在絳蠟清醅坐夜分

元夕雪月蘇韻二首

林間暮雪定歸鴉山外鈴聲報使車
玉盞春光傳栢葉夜堂銀燭亂簷花
蕭條音信愁邊鴈迢遞關河夢裏家
何日扁舟還舊隱一簑江上把魚叉
寒威入夜益廉纖酒甕爐床亦戒嚴
久客漸憐衣有結蠻居長嘆食無鹽
飢豺正爾群當路東雀從渠自宿簷
陰極陽回知不遠蘭芽行見發春尖

曉霽用前韻書懷二首

雙闕鐘聲起萬鴉禁城月色滿朝車
竟誰詩詠東曹檜正憶梅開西寺花
此日天涯傷逐客何年江上却

還家曾無一字堪驅使謾有虛名擬八叉

澗草蠟花欲鬪纖溪風林雪故爭嚴
連岐盡說還宜麥煮海何曾見作鹽
路斷慙憐無過客病餘兼喜曝晴簷
謫居亦自多清絕門外群峯玉笋尖

次韻陸僉憲元日喜晴

城裏夕陽城外雪相將十里異陰晴
也知造物曾何意底是人心苦未平
相府樓臺脚倒景菲茨松竹瀉寒聲
布衾莫謾愁僵卧積素還多達曙明

元夕木閣山火

荒村燈夕偶逢晴野燒峯頭處處明
內苑但知繁作

嶺九門空說火爲城天應爲我開奇觀地有茲山不
世情却恐炎威被松柏休教玉石遂同頽

夜宿汪氏園

小閣藏身一斗方夜深虛白自生光梁間來下徐生
榻座上慚無荀令香驛樹雨聲翻屋瓦龍池月色浸
書床他年貴竹傳遺事應說陽明舊草堂

春行

冬盡西歸滿山雪春初復來花滿山白鷗亂浴清溪
上黃鳥雙飛綠樹間物色變遷隨轉眼人生豈得長
朱顏好將吾道從吾黨歸把漁竿東海灣

村南

花事紛紛春欲酣杖藜隨步過村南田翁開野教新
犢溪女分流浴種蠶穉犬吠人依密槿閑鳧照影立
晴潭偶逢江客傳鄉信歸卧楓堂夢石龕

山途二首

上山見日下山陰陰欲開時日欲沉晚景無多傷遠
道朝陽莫更沮雪岑人歸暝市分漁火客舍空林依
暮禽世事驗來還自領古人先已得吾心

南北驅馳任板輿謫鄉何地是安居家家細雨殘燈
後處處荒原野燒餘江樹欲迷遊子望朔雲長斷故

人書茂陵多病終蕭散何事相如賦子虛

白雲

白雲冉冉出晴峰客路無心處處逢已逐肩輿度青
壁還隨孤鶴下蒼松此身愧爾長多繫他日從龍謾
托踪斷鶯殘鴉飛欲盡故山回首意重重

答劉美之見寄次韻

休疑遷客迹全貧猶有沙鷗日見親勲業久辭滄海
夢煙花多負故園春百年長恐終無補萬里寧期尚
得身念我不勞傷鬢雪知君亦欲拂衣塵

寄徐掌教

徐樞今安在空梁榻久懸北門傾蓋日東魯校文年
歲月成超忽風雲易變遷新詩勞寄我不愧烏鳴篇

書庭蕉

簷前蕉葉綠成林長夏全無暑氣侵但得雨聲連夜
靜不妨月色半床陰新詩舊葉題將滿老艾踈梧恨
共深莫笑鄭人談訟鹿至今醒夢兩難尋

送張憲長左遷滇南大叅次韻

世味知公最飽諳百年清德亦何慚栢臺藩省官非
左江漢滇池道益南絕域煙花憐我遠今霄風月好
誰談交遊若問居夷事爲說山泉頗自堪

南菴次韻二首

隔水樵漁亦幾家
緣岡石路入溪斜
松林晚映千峰雨
楓葉秋連萬樹霞
漸覺形骸逃物外
未妨遊樂在天涯
頻來不用勞僧榻
已借汀鷗一席沙
斜日江波動客衣
水南深竹見巖扉
漁人收網舟初集
野老忘機坐未歸
漸覺雲間栖翼亂
愁看天北暮雲飛
年年歲晚長爲客
閒殺西湖舊釣磯

觀傀儡次韻

處處相逢是戲場
何須傀儡夜登堂
繁華過眼三更促
名利牽人一線長
禪子自應爭詫說
倭人亦復浪

悲傷本來面目還誰識
且向樽前學楚狂

徐都憲同遊南菴次韻

巖寺藏春長不夏
江花映日艷於挑
山陰入戶川光暮
林影浮空暑氣高
樹老豈能知歲月
溪清真可鑑秋毫
但逢佳景須行樂
莫遣風霜着鬢毛

即席次王文濟少叅韻二首

擺落休教感客途
南來秋興未全孤
肝腸已自成金石
齒髮從渠變柳蒲
傾倒酒懷金谷罰
逼真詞格輞川圖
謫鄉莫道貧消骨
猶有新詩了舊逋

此身未擬泣窮途
隨處翻飛野鶴孤
霜冷幾枝存晚

菊溪春兩度見新蒲荆西寇盜紆籌策湘北流移入
畫圖莫怪當筵倍凄切誅求滿地促官道

贈劉侍御二首

寒以及身困以遂志今日患難正閣下受用
處也知之則處此當自別病筆不能多及然
其餘亦無足言者聊次韻某頓首劉侍御大
人契長

相送溪橋未隔年相逢又過小春天憂時敢負君臣
義念別羞爲兒女憐道白升沉寧有定心存氣節不
無偏知君已得虛舟意隨處風波只晏然

夜寒

簷際重陰覆夜寒石爐松火坐更殘窮荒正訝鄉書
絕險路仍愁歸夢難僊侶春風懷越嶠釣船明月負
嚴灘未因謫宦傷憔悴客鬢還羞鏡裏看

冬至

客牀無寐聽潛雷珍重初陽夜半回天地未嘗生意
息冰霜不耐鬢毛催春添袞線誰能補歲晚心丹自
動灰料得重闈強健在早看消息報臆梅

春日花間偶集示門生

閒來聊與二三子單夾初成行暮春改課講題非我

事研幾悟道是何人階前細草雨還碧簷下小桃晴
更新坐起咏歌俱實學毫釐須遣認教真

次韻送陸文順愈憲

貴陽東望楚山平無柰天涯又送行杯酒豫期傾蓋
日封書煩慰倚門情心馳魏闕星辰迥路遶鄉山草
木榮京國交游零落盡空悲秋月寄猿聲

次韻陸愈憲病起見寄

一賦歸來不願餘文園多病滯相如籬邊竹筍青應
滿洞口桃花紅自舒荷蕢有心還擊磬周公無夢欲
刪書雲間憲伯能相慰尺書長題問謫居

次韻胡少叅見過

旋管小酌典春裘佳客真慚竟日留長恠嶺雲迷楚
望忽聞吳語破鄉愁鏡湖自昔堪歸老把國何人獨
抱憂莫訝臨花倍惆悵賞心原不在枝頭

雪中桃次韻

雪裏桃花強自春蕭疎終覺損精神却慚幽竹節逾
勁始信寒梅骨自真遭際本非甘冷淡飄零須勝委
風塵從來此事還希濶莫怪臨軒賞更新

舟中除夕二首

扁舟除夕尚窮途荆楚還憐俗未殊處處送神懸楮

馬家家迎歲換桃符江醪信薄聊相慰世路多歧謾
自吁白髮頻年傷遠別綵衣何日是庭趨

遠客天涯又歲除孤航隨處亦吾廬也知世上風波
滿還戀山中木石居事業無心從齒髮親交多難絕
音書江湖未就新春計夜半樵歌忽起予

淑浦山夜泊

淑浦山邊泊雲間見驛樓灘聲迴遠樹崖影落中流
柳放新年綠人歸隔歲舟客途時極目天北暮陰愁

過江門

三年謫宦沮蠻氛天放扁舟下楚雲歸信應先春鴈

至閒心期與白鷗群晴溪欲轉新年色蒼壁多遺古
篆文此地從來山水勝它時回首憶江門

辰州虎溪龍興寺聞楊名父將到留韻壁間

杖藜一過虎溪頭何處僧房是惠休雲起峯頭沉閣
影林疎地底見江流煙花日煖猶含雨鷗鷺春閒欲
滿洲好景同來不同賞詩篇還為故人留

武陵朝音閣懷元明

高閣憑虛臺上翠捲簾疎雨動微吟江天雲鳥自來
去楚澤風煙無古今山色漸疑衡嶽近花源欲問武
陵深新春尚沮東歸楫落日誰堪話此心

閣中坐雨

臺下春雲及寺門，懶夫睡起正開軒。
烟蕪漲野平堪處，綠江雨隨風入夜喧。
道意蕭疎漸歲月，歸心迢遞憶鄉園。
年來身迹如漂梗，自笑迂痴欲手援。

霽夜

雨霽僧堂鐘磬清，春溪月色持分明。
沙邊宿鷺寒無影，洞口流雲夜有聲。
靜後始知群動妄，閑來還覺道心驚。
問津久已慚沮溺，歸向東臯學耦耕。

僧齋

盡日僧齋不厭閒，獨餘春睡得相關。
簷前水漲遂無

地江外雲晴忽有山，遠客赴墟招渡急。
舟人曬網得魚還，也知世事終無補。
亦復心存出處間。

德山寺次壁間韻

乘興看山薄暮來，山僧迎客寺門開。
雨昏碧草春申墓，雲捲青峰善卷臺。
性愛煙霞終是僻，詩留名姓不須猜。
岩根老衲成灰色，枯坐何年解結胎。

沅江晚泊二首

去時煙雨沅江暮，此日沅江暮雨歸。
水漫遠沙村市改，泊依舊店主人非。
草深扉宇無官住，花落僧房自鳥啼。
處處春光蕭索甚，正思荆棘掩巖扉。

春來客思獨蕭騷處處東田沒野蒿雷雨滿江喧日
夜扁舟經月住風濤流民失業乘時橫原獸爭群薄
暮號却憶鹿門栖隱地杖藜壺榼餉東臯

夜泊江思湖憶元明

扁舟泊近漁家晚茅屋深環柳港清雷雨驟開江霧
散星河不動暮川平夢回客枕人千里月上春堤夜
四更欲寄愁心無過鴈披衣坐聽野鷄鳴

睡起寫懷

江日熙熙春睡醒江雲飛盡楚山青閑觀物態皆生
意靜悟天機入窅冥道在險夷隨地樂心忘魚鳥自

流形未須更覓羲唐事一曲滄浪擊壤聽

三山晚眺

南望長沙杳靄中鷺羊只在暮雲東天高雙櫓哀明
月江闊下帆舞逆風花暗漸驚春事晚水流應與客
愁窮北飛亦有衡陽鴈上苑封書未易通

鷺羊山

福地相傳楚水阿三年春色兩經過羊亡但有初平
石書罷誰籠道士鷺禮斗壇空松影靜步虛臺迥月
明多巖房一宿猶綠薄遙憶開雲住薜蘿

泗洲寺

涑水西頭泗洲寺經過轉眼又三年老僧熟認直呼
姓笑我清癯只似前每有客來看宿處詩留佛座作
燈傳開軒掃榻還相慰慚愧維摩世外緣

再經武雲觀書林玉璣道士壁

碧山道士曾相約歸路還來宿武雲月滿僊臺依鶴
侶書留蒼壁看鷺群春巖多雨林芳淡暗水穿花石
溜分奔走連年家尚遠空餘魂夢到柴門

再過濂溪祠用前韻

曾向圖書識面真半生長自愧儒巾斯文久已無先
覺聖世今應有逸民一自支離垂學術競將雕列

費精神瞻依多少高山意水漫遺池長綠蘋

陽明先生文錄卷之二



Faint vertical text columns, likely bleed-through from the reverse side of the page. The characters are mostly illegible due to fading and the quality of the scan.

所
圖
書

